



ԱՌԱՋՆՈՐԴՈՒԹԻՒՆ ՀԱՅՈՑ

DIOCESE OF THE ARMENIAN CHURCH OF AMERICA, 630 SECOND AVENUE, NEW YORK, N. Y. 10016 212 686-0710

ARCHBISHOP TORKOM MANOOGIAN, PRIMATE

Թիւ 27539

Նոյեմբեր 24, 1981

Արժանաշնորհ
Տ. Յուսիկ Քրիստ. Նշանեան
Առժամեայ Հովիւ Ս. Խաչ Եկեղեցւոյ
Նախագահ ծխական Խորհուրդի
Գանատա.

Սիրելի Տէր Յուսիկ,

Ստացած ենք Հոկտեմբեր 21, 1981 թուակիր նամակ մը Ռանըլտ Միլլըր փաստաբանի ստորագրութեամբ, որ Սուրբ Խաչ Եկեղեցւոյ վճարելիք թեմական տուրքերու կապակցութեամբ թելադրութիւն կ'ընէր եւ 1000 --մէկ հազար-- տուարի փոխգիր մը ներփակած էր:

Թեմական Խորհուրդի Հոկտեմբեր 23 նիստին մէջ առնուած որոշումին համաձայն, փաստաբանին վերադարձուցինք փոխգիրը՝ յայտնելով որ Առաջնորդարանը իր ծուխերուն հետ ուղղակի կը հաղորդակցի:

Ծխական Խորհուրդիդ պարտականութիւնն է հնազանդիլ Հայց. Եկեղեցւոյ կանոններուն եւ Հիւսիսային Ամերիկայի Արեւելեան Թեմի կանոնադրութեան, իբրեւ Թեմական իշխանութեան հրամանով կազմակերպուած համայնք մը:

Գանատական կառավարութեան հետ որեւէ օրինական հարցի մը առջեւ գտնուելու պարագային թեմական իշխանութիւնն է որ պիտի ներկայանայ իր փաստաբաններով, պաշտպանելու համար թեմի ծուխերու իրաւական կացութիւնը:

Անգամ մը եւս ձեզի կը հրահանգենք որ ամբողջութեամբ վճարէք Թեմական Ժողովի կողմէ որոշուած եւ ծուխիդ բաժին հանուած թեմական տուրքը, որուն անվճար քանակը ձեր գանցառութեան պատճառաւ բարձրացած է մինչեւ 17,080 --տասնըեօթը հազար ութսուն-- ամերիկեան տուարի:

նաեւ վերջին պատեհութիւն մը կու տանք ձեզի՝ ներկայանալու թեմական խորհուրդին, եւ ճշդելու ձեր կացութիւնը:

Ուստի, կը հրահանգենք ձեզի որ Ս. Խաչ Եկեղեցւոյ ծխական խորհուրդիդ կողմէ երեք անձեր նշանակէք որոնք լիազօրուած ըլլան յանուն ծխական խորհուրդին պատասխանելու իրենց ուղղուելիք հարցերուն: Այս ժողովի թուական նշանակած ենք 1981 Դեկտեմբեր 18, Ուրբաթ, նիւ Պրիթըն Գրնէթիքէթի Ս. Յարութիւն Եկեղեցւոյ սրահին մէջ, ուր եւ պիտի գումարուի թեմական խորհուրդի ժողովը:

Կը ներփակենք օդանաւային ընկերութեանց երթուղարձի ժամանակացոյցը եւ Ս. Յարութիւն Եկեղեցւոյ հասցէն ու հեռաձայնի թիւը:

Ձեր ներկայացուցիչները պէտք է իրենց հետ բերած ըլլան 17,080 --տասնըեօթը հազար ութսուն-- ամերիկեան տուարի փոխաբի մը:

Որեւէ պատճառաւ այս հանդիպումին նպատակը ձխողելու պարագային, թեմական խորհուրդը իր որոշումը պիտի առնէ հեռացնելու հոգեւոր հովիւը եւ պաշտօնանկ ընելու ծխական խորհուրդը:

Կը յուսանք որ ծխական խորհուրդդ իմաստութեամբ եւ հաւատարմութեամբ կ'ենթարկուի թեմական իշխանութեան հրահանգներուն՝ ապահովելու համար խաղաղ բարգաւաճումը ծուխին:

Սիրոյ ողջունիւ

ԹՈՐԳՈՄ ԱՐՔԵՊԻՍԿՈՊՈՍ
Առաջնորդ

Օրինակ՝ ծխական խորհուրդի Ատենապետին

We have reserved three seats on Friday, December 18. The schedule for the round trip tickets is presented below. Please call American Airlines before December 10, to confirm the reservations with the proper names of the three delegates.

Departs Toronto Intern.	at 11:30 a.m.	on American Airlines	Flt. No. 351
Arrives La Guardia	at 12:43 p.m.	on	
Departs La Guardia	at 1:30 p.m.	on Bar Harbour	Flt. No. 1768
Arrives Bradley Airport (Hartford, Conn.)	at 2:15 p.m.		

Departs Bradley	at 7:00 p.m.	on US Air	Flt. No. 451
Arrives Buffalo	at 8:00 p.m.		
Departs Buffalo	at 10:15 p.m.	on US Air	Flt. No. 323
Arrives Toronto Int.	at 10:43 p.m.		

New Britain, Armenian Church of the Holy Resurrection
P.O.B. 1080, 1910 Stanley St.
New Britain, Connecticut 06050
(203) 223-7875